



REPUBLIKA E KOSOVËS/REPUBLIKA KOSOVA
GJYKATA THEMELORE MITROVICË

Numri i lëndës: 2023:289741

Datë: 12.03.2024

Numri i dokumentit: 05442029

C.nr.1888/2023

GJYKATA THEMELORE NË MITROVICË, Departamenti i Përgjithshëm, Divizioni Civil, me gjyqtarin Genc Hasani dhe me procesmbajtës – praktikant i kësaj Gjykate Lorent Abazi, në çështjen juridike kontestimore të paditëses M. K.-N. të cilën sipas autorizimit me shkrim e përfaqëson Av. Leutrim Ademi, nga Mitrovica, kundër të paditurës Komuna e Mitrovicës - Drejtoria Komunale e Arsimit, të cilën sipas autorizimit e përfaqëson, Av.Gjejlan Pasoma, me seli në Prishtinë. Objekt kontesti “*Kompensim i shujtave*”, jashtë seancës gjyqësore, më datën 12.03.2024, mori këtë:

A K T G J Y K I M
(NË BAZË TË POHIMIT)

I. APROVOHET si e bazuar kërkesëpadia e paditëses M. K.-N., ashtu që **DETYROHET** e paditura Komuna e Mitrovicës – Drejtoria Komunale e Arsimit në Mitrovicë, që paditëses në emër të kompensimit për ushqim gjatë pranisë në punë shujtave ditore, ti kompensoj si vijon:

- Paditëses, M. K.-N. në emër të shujtave ditore për periudhën kohore prej 21.01.2021 deri me 22.11.2022 apo për 328 ditë të prezencës në punë, (për secilën ditë të pranisë në punë shumë nga 2 euro) në shumë të përgjithshme prej 656 euro, me kamatë ligjore prej 8 %, duke llogaritur nga data 14.12.2023 datë e paraqitjes së padisë në gjykatë, e deri në pagesën përfundimtare të detyrimit, të gjitha këto në afat prej 7 (shtatë) ditësh nga dita e pranimit të këtij aktgjykimi, nën kërcënim të përmbashtimit të detyrueshëm.

II. APROVOHET SI BAZUAR kërkesa e paditëses, lidhur me shpenzimet e procedurës kontestimore, ashtu që **DETYROHET** e paditura Komuna e Mitrovicës – Drejtoria Komunale e Arsimit që paditëses ti paguaj shpenzimet e procedurës kontestimore në shumë të përgjithshme prej 125.00 €, të gjitha këto ti përmbush në afat prej 7 ditë, nga dita e pranimit të këtij aktgjykimi, nën kërcënimin e përmbashtimit të detyrueshëm.

A r s y e t i m

Paditëses M. K.-N., nëpërmes përfaqësuesit të autorizuar, me datë 14.12.2023, pranë kësaj gjykate ka parashtruar padi kundër të paditurës Komuna e Mitrovicës -Drejtoria Komunale e Arsimit, me objekt kontesti “*Kompensimin i shujtës ushqimore*”.

Gjykata e shkallës së parë, me rastin e shqyrtimit paraprak të padisë, fillimisht vërejti se padia është përparuar në tërësi në përputhje me dispozitën nga neni 253, lidhur me nenin 99 të LPK, pas plotësimit të kushteve ligjore, të njëjtën (padinë me dokumentet e bashkangjitura në të), me

Aktvendimin që mbanë shenjë C.nr.1888/2023, të datës 02.02.2024, e detyron të paditurën që në afatin prej 15 ditësh të paraqes përgjigje në padi, nën kërcënimin e pasojave juridike. Tutje, e paditura më parashtrësën e datës 27.02.2024, (përgjigjen në padi) e ka pohuar kërkesëpadinë e paditëses.

Gjykata pas pohimit të kërkesëpadisë nga ana e të paditurës, konstatoi se në këtë çështje kontestimore kemi të bëjmë me kërkesë me të cilën palët mund të disponojnë lirshëm, në kuptim të nenit 148 paragrafit 1 të LPK, me të cilin përcaktohet se *“në qoftë se i padituri deri në përfundimin e shqyrtimit kryesor të çështjes e pohon kërkesëpadinë pjesërisht apo tërësisht, gjykata e jep, pa shqyrtim të mëtejshëm, aktgjykimin me të cilin e aprovon pjesën apo gjithë kërkesëpadinë (aktgjykimi në bazë të pohimit)”* vendosi pa shqyrtim të mëtejshëm si në dispozitiv të këtij aktgjykimi.

Lidhur me kamatën ligjore të kërkuar nga paditësja, duke qenë se e paditura, ka rënë në vonesë lidhur me pagesën e borxhit të krijuar, gjykata ka vendosur që kamatë vonesa të jetë prej 8%, duke u bazuar në nenin bazuar në nenin 382 paragrafi 1 dhe 2 të LMD, duke e llogaritur të njëjtën nga dita e parashtrimit padisë në gjykatë (14.12.2023).

Gjykata vendosi si në pikën II të dispozitivit, në kuptim të nenit 452 të LPK-së, ashtu që detyrohet e paditura të paguaj shpenzimet e procedurës dhe atë për përpilimin e padisë shumë në lartësi prej 104.00€ - sipas tarifës së OAK, si dhe në emër të taksës gjyqësore shumë prej 21.00€.

Prandaj, gjykata bazuar në arsyet e cekura më larte si dhe duke u bazuar në nenin 148 të LPK, vendosi si në dispozitiv të këtij aktgjykimi.

GJYKATA THEMELORE NË MITROVICË
Departamenti i Përgjithshëm - Divizioni Civil
C.nr.1888/2023, datë 12.03.2024

Gjyqtari
Genc Hasani

KËSHILLË JURIDIKE: Kundër këtij aktgjykimi është e lejuar ankesa, në afat prej 7 ditësh nga dita e pranimit se të njëjtit, Gjykatës së Apelit në Prishtinë, përmes kësaj gjykate.